

Roadsvergoadern 28 meert 2019

Nr.: 12/19

AAN gemainteroad

Onderwerp: Onkosten in reken bringen veur t opsporen en oproemen van ontplofboare stovven.

Poddefulieholder: mr. J.W.M Engels

Stukken ter inzoage:

Binnen der nait.

Veurstel:

Instemmen mit t in reken bringen van 124.040,74 euro, zunder btw., veur t opsporen en oproemen van ontplofboare stovven tot en mit 2018.

Toulichten:

Inlaaiden:

Deurdat t gas onder Loppersom vothoald wordt, is de kans op n eerdbeven hier groter as aargens aans in Nederland. Dat het as gevolg dat de kans dat nog nait ontplofde stovven mor zo oet zukzulf ontplovven in Loppersom, ook groter is. Doarom is men in 2015 begonnen mit n grode zuiktocht noar nog nait ontplofd materiaal in gemainte Loppersom. De kosten van t onderzoek kinnen veur n dail in reken brocht worden bie t Riek. Om veur t geld in aanmaarken te kommen, mout gemainte n roadsbesloet noar t ministerie van binnenlandse zoaken opsturen.

Overwegens:

De regels veur t vergouden van onkosten veur t opsporen en oproemen van ontplofboare stovven binnen veraanderd. Veur n biedroage kin n gemainte mit ingang van 2015 volstoan mit t opsturen van n roadsbesloet noar t ministerie van binnenlandse zoaken. In t besloet mouten de kosten stoon dij in t boukjoar veur t opsporen en oproemen moakt binnen. Huift gain verkloaren bie van t woarom. Mor net as veurtied wordt de btw nait vergoud. In de ofreken stait doarom dudelk dat bie de bedroagen de btw nait mitrekend is.

Dit veurstel gaait over de kosten tot en mit 2018. De declaroatie mout veur 1 april 2019 opstuurd worden.

Plan van aanpak:

Noa akkoord wordt t roadsbesloet touglieks mit n verzuik om n biedroage bie t ministerie van binnenlandse zoaken indaind.

Personele gevolgen:

Binnen der nait.

Risico's:

Binnen der aigelks nait.

Woar t geld boukt wordt:

Totoal nou bie:

t Riek declareren, 70%:

86.828,52 euro

de NAM declareren, 30%:

37.212,22 euro (zunder declaroaties oet 2015, 2016 en 2017)

Totoal

124.040,74 euro

Loppersom, 19 meert 2019

Börgmeester en wetholders van
gemainte Loppersom,

mr. J.W.M. Engels, börgmeester.
J.H. Bonnema, siktoares.

De raad van gemeente Loppersom;

dij het voorstel van burgemeester en wethouders van 18 februari 2019 lezen het;

besluit:

In te stemmen met de kosten voor het opsporen en oproeien van ontplofbaar stoffen tot en met 2018 in rekening te brengen, voor een bedrag van 124.040,74 euro, zonder btw.

Totaal nu toe:	
- Rijk declareren, 70%:	86.828,52 euro
- de NAM declareren, 30%:	37.212,22 euro (zonder declaraties voor 2015, 2016 en 2017)

Totaal	124.040,74 euro

Vastgesteld in de openbare vergadering van de raad van gemeente Loppersom, gehouden op 28 maart 2019 nr. 12.

De afdelingshoofd raad,

J.W.M. Engels, voorzitter.

R.Sj. Bosma, raadsschrijver.